

(2) Ukoliko su podnosioci zahtjeva iz stava (1) ovog člana ispunili uslov iz člana 20. stav (1) i (2) i člana 22. stav (1) ovog Zakona, Ministarstvo će zakazati usmenu raspravu, u skladu s članom 22. stav (2), (3) i (4) na koju će pozvati sve podnosiocce zahtjeva.

(3) Na usmenoj raspravi podnosioci zahtjeva se imaju pravo izjasniti žele li sporazumno riješiti o pravu izvođenja geoloških istraživanja, a ukoliko ne postignu sporazum, Ministarstvo će odobrenje za istraživanje izdati onom privrednom društvu-investitoru koji podnesenim zahtjevom osigurava brže i djelotvornije istraživanje.

(4) Djelotvornost istraživanja ocjenjuje se na osnovu programa ili projekata geoloških istraživanja, posebno sa stanovišta cjelovitosti istraživanja, racionalnosti, efikasnosti istražnih metoda.

#### Član 4.

U članu 55. stav (4) riječi: „iz stava (4)“ zamjenjuju se riječima: „iz stava (3)“.

U članu 55. stav (6) mijenja se i glasi:

„(6) Protiv rješenja inspektora o usmeno određenoj upravnoj mjeri iz člana 52. i 53. ovog Zakona i rješenja Ministarstva donesenog po žalbi iz stava (3) ovog člana može se pokrenuti upravni spor.“

#### Član 5.

U članu 57. stav (1) tačka a), u zagradi, između riječi: „član 25. i član 26.“ umjesto slova „i“ stavlja se zarez (,), te se iza riječi: „član 26.“ dodaju riječi „i član 32.“.

U članu 57. stav (1) tačka f) briše se.

Dosadašnje tačke od g) do r) postaju tačke od f) do p).

U članu 57. stav (1) iza tačke p) dodaju se tačke r), s) i š) koje glase:

„r) ako se ne izvodi geološka istraživanja u skladu s ovim Zakonom (član 29.)

s) ako ne postupi po rješenju geološkog inspektora (član 48.)

š) ako ne omogući inspektor vršenje inspekcijskog nadzora (član 46).“

#### Član 6.

U članu 58. stav (1) tačka d) briše se.

U članu 58. stav (1) tačka f) briše se.

U članu 58. stav (1) tačka g) briše se.

Dosadašnje tačke od e) do i) postaju tačke od d) do f).

#### Član 7.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

S K U P Š T I N A

Broj: 02-01-XX-405/12

Mostar, 10.01.2013. godine

P R E D S J E D A V A J U Ć I

Ramiz Jelovac, s.r

### 3

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na sjednici održanoj 10.01.2013. godine, donijela

## Z A K O N

### O IZMJENAMA I DOPUNI ZAKONA O UGOSTITELJSKOJ DJELATNOSTI

#### Član 1.

U Zakonu o ugostiteljskoj djelatnosti („Službene novine HNK“, broj: 3/11), u članu 44. stav 1. mijenja se i glasi:

„Fizičko lice koje pruža usluge u domaćinstvu ne može biti poslodavac, niti koristiti rad lica koja nisu članovi njegovog domaćinstva.“

#### Član 2.

U članu 45. iza stava 4. dodaje se stav 5. koji glasi:

„Fizičko lice koje pruža usluge u domaćinstvu može obavljati ugostiteljsku djelatnost kao dopunsko zanimanje, ako ispunjava uslove iz stava 2. ovog člana i ako već ima zasnovan radni odnos po bilo kom osnovu i ukoliko posebnim zakonom nije drugačije propisano.“

#### Član 3.

U članu 61. stav 1., u drugom redu, riječi: „kantonalmom organu“ zamjenjuju se riječima: „nadležnom kantonalmom inspektorom“.

U stavu 2., u trećem redu, riječ: „Ministarstvu“ zamjenjuje se riječju: „ministru“.

## Hercegovačko-neretvanskog kantona

## Član 4.

Ovaj Zakon stupa na snagu narednog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
S K U P Š T I N A

Broj: 02-01-XX-321/12  
Mostar, 10.01.2013. godine

P R E D S J E D A V A J U Ć I  
Ramiz Jelovac,s,r

4

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona, na sjednici održanoj dana 15.01.2013. godine donosi

**Z A K O N**  
**O IZMJENAMA I DOPUNAMA ZAKONA O**  
**POTICAJU RAZVOJA MALE PRIVREDE I**  
**ZAŠTITI TRADICIONALNIH DJELATNOSTI**  
**(OBRTA)**

## Član 1.

U Zakonu o poticaju razvoja male privrede i zaštiti tradicionalnih djelatnosti (obrta), („Službene novine HNK“, broj: 4/10), u članu 4., ispred postojećeg teksta, stavlja se oznaka stava: „(1)“, te se iza teksta istog stava (1) dodaje novi stav (2), koji glasi:

„(2) U slučaju da dosljednom primjenom kriterija broja zaposlenih i finansijskih pokazatelja, iz stava (1) ovog člana, nije jasno u koju od postojećih kategorija spada subjekt male privrede, odlučujući kriterij je broj zaposlenih.“

## Član 2.

U članu 10. stav (2) mijenja se i glasi: „Visina novčanih sredstava iz stava (1) ovog člana je od 1 do 6% iznosa planiranih poreskih prihoda u tekućoj godini u Budžetu Hercegovačko-neretvanskog kantona.“

## Član 3.

U članu 21. stav (1), riječi: „Kantonalno ministarstvo privrede putem inspektora“, zamjenjuju

se riječima: „kantonalni inspektor za obrt i poduzetništvo“.

## Član 4.

U članu 31., ispred postojećeg teksta stavlja se oznaka stava: “(1)“, u kojem se između riječi: „... prekršajnog postupka...“ i ...“podnose ovlaštena“..., dodaje tekst:

...,u slučaju povrede ovog Zakona, propisa donesenih za njegovo provođenje, ili ugovora, zaključenih na osnovu člana 14. ovog Zakona,“

Iza stava (1) člana 31. dodaje se novi stav (2), koji glasi:

„(2) Ukoliko korisnik poticajnih sredstava ne postupi u skladu s članom 14. stav (4) ovog Zakona, Ministarstvo privrede HNK obavještava nadležni organ uprave o potrebi provođenja sudskog postupka za povrat dodijeljenih sredstava i traži pokretanje tog postupka.“

## Član 5.

Ovaj Zakon stupa na snagu danom usvajanja Budžeta Hercegovačko-neretvanskog kantona za 2013. godinu, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON

S K U P Š T I N A

Broj: 02-01-XXI-426/12  
Mostar, 15.01.2013. godine

P R E D S J E D A V A J U Ć I  
Ramiz Jelovac,s,r

5

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na sjednici održanoj 10.01.2013. godine, donijela

**O D L U K U**  
**O USVAJANJU STRATEGIJE**  
**POLJOPRIVREDNOG RAZVOJA I**  
**RAZVOJA POLJOPRIVREDE U RURALNIM**  
**PODRUČJIMA HNK**  
**ZA PERIOD 2012.-2017. GODINA**